



Broj: 01-237/21
Vareš, 30.11. 2021. godine

Z A P I S N I K
sa 9. sjednice Općinskog vijeća Vareš,
održane 28.10. 2021. godine

Predsjedavajuća OV pozdravila je sve prisutne.

Izvršena je prozivka vijećnika.

Prisutni vijećnici: Mirnes Ajanović, Sahudina Beganović, Nurdin Begović, Mahira Brkić, Amela Brkić, Asmir Čizmo, Dario Dodik, Nazif Hajrić, Igor Hinger, Šaban Ibrišimović, Emir Islamović, Salih Memić, Nedžad Mušanović, Malik Rizvanović i Nikola Šimić.

Odsutni: Maja Berberović, Zdenko Franjić, Mario Mirčić i Edib Zubača.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 9. sjednicu s početkom u 15,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici načelnika - gosp. Ermin Musa i gosp. Čedomir Jelić, rukovodilac JURA – gosp. Rusmir Berberović, rukovodilac OJ Elektro distribucija Vareš – gosp. Emir Hrnjić i predstavnici medija.

Sekretar OV Leon Pavlović izvijestio je Vijeće da je na 8. sjednici OV održanoj 30.09.2021. godine, Vijeće donijelo pet (5) zaključaka. Svi su realizovani. Postavljeno je trinaest (13) vijećničkih pitanja. Na sva pitanja je odgovoreno. Podnosiocima pitanja i svim ostalim vijećnicima dostavljen je pisani odgovor. Inicijativa za pomoć u vezi liječenja Asje Mahmutović iz Dabravina, općina Vareš je realizovana. Inicijativa za uspostavljanje i održavanje rasvjete u ulici Glavica, Korovinjići i Benići (Stručna služba OV nije dobila odgovor). Inicijativa za tematsko rješenje raskrsnice za Striježevo u Pajtov Hanu na R444 (Stručna služba OV nije dobila odgovor).

Općinski načelnik Zdravko Marošević pod aktuelnim pitanjima nije imao obraćanje.

(Izjašnjavanje vijećnika o dobivenom odgovoru)

Vijećnik Dario Dodik uz dato pojašnjenje izjavio je da nije zadovoljan odgovorom u vezi asfaltiranja puteva koji su trebali biti završeni od sredstava R Hrvatske iz 2018 i 2019. godine za Očeviju, Zaruđe i Pogar. Traži da mu se odgovori konkretno šta je sa putem na Pogari za koji nije ni sklopljen ugovor? U

vezi odgovora za vodovod Pogar-Sjenokos, traži odgovor kada će Komisija izvršiti tehnički prijem vodovoda?

Vijećnik Asmir Čizmo u vezi dobivenog odgovora koje se odnosi na rekonstrukciju spomen obilježja rahmetli Kemi Begiću, traži da ga Služba obavijesti o toku daljnje procedure, odnosno zanima ga ko je nadležan u vezi daljnjeg djelovanja.

Općinski načelnik Zdravko Marošević dao je dodatne odgovore vijećniku Dariu Dodik i Asmiru Čizmi.

Vijećnik Dario Dodik izjavio je da je zadovoljan odgovorom Načelnika u vezi vodovoda i ponovo traži dopunu odgovora na pitanje vezano za puteve – Ko je odgovoran i zašto potpisani Ugovori nisu realizirani i zašto do sad nije napravljen Ugovor za put za Pogar?

Općinski načelnik Zdravko Marošević dao je odgovor vijećniku Dodiku: Odgovoran je Općinski načelnik i iz poznatih razloga i situacije koja je vladala ušlo se probleme finansiranja. Naša obaveza, a mene kao odgovornu osobu je obaveza prema onome ko je dao sredstva da to opravdam. O ovim pitanjima razgovaram direktno sa predsjednicima mjesnih zajednica, ne razgovaram sa građanima. Građani moraju razgovarati sa predsjednicima mjesnih zajednica jer oni imaju te informacije. Moja obaveza je da realizujem ili da vratim sredstva.

(Vijećnička pitanja)

Asmir Čizmo

1. Da li autoprevoznici plaćaju usluge korištenja autobusnog stajališta (kome i koji iznos)? Da li postoji mogućnost da se sa istim autoprevoznicima napravi neki dogovor eventualne izrade i učešća u projektu (natkrivanja ili postavljanje nadstrešnice) u vezi izgradnje autobusnog stajališta (ključne tačke su zgrade Općine, kod PS Vareš, u Dabravinama i na skretnici za Striježevo? (dao je pojašnjenje)

Dario Dodik

2. Na 4. sjednici OV koja je održana 29.04. 2021. godine, mi kao Vijeće smo donijeli Zaključak, kojim se zadužuje načelnik općine Vareš da u suradnji sa direktno JKP izvrši nabavku manje mašine koja može da čisti ulice koje do sada nisu bile u potpunosti očišćene. Također, da se iznađe mogućnost radnika za upravljanje tom mašinom i sl. Mene interesuje da li se pristupilo nabavci i da li postoji mogućnost da se ove godine riješi to pitanje? Ukoliko nema, ja ću podnijeti Inicijativu kao što sam obećao tada da se građani ulica koje se ne održavaju zimi oslobode, odnosno da im se naplaćuje minimalna komunalna naknada jer nisu u rangi sa ostalim građanima.(dao je pojašnjenje)

3. Inicijativa/Pitanje

Mi smo napravili izmjenu Poslovnika o radu OV Vareš na 8. sjednici OV održanoj 30.09. 2021. godine, u kojoj se navodi „ ako Općinski načelnik u navedenom roku ne obavijesti OV o upućenoj inicijativi onda će se OV na prvoj narednoj sjednici izjasniti o inicijativi u skladu sa članom 107. Poslovnika“.

Moja Inicijativa sa 4. sjednice OV bila je „Predlažem da se mala površina iza kontejnera na izlazu iz ulice Put mira prema ulici Zvijezda, pretvori u

parking prostor.“ Smatram da je vrijeme da se za sljedeću sjednicu pripremi prijedlog odluke i da se ide na izjašnjavanje OV po pitanju konkretno moje Inicijative i bilo koje druge koja je čekala izjašnjavanje Općinskog načelnika.

Sahudina Beganović

4. Građani ul. Planinarska od br. 9, te od Veterinarske stanice do br.15, su mi prenijeli svoje probleme. Radi se o tome da 4 porodice koje su smještene u toj ulici u blizini nemaju niti jedan postavljen kontejner za smeće. Da li postoji mogućnost postavljanja jednog kontejnera za smeće na toj navedenoj lokaciji?
5. Postoji li mogućnost da se vrši zimsko održavanje puta prema nogometnom igralištu i iza nogometnog igrališta? Treba napomenuti da da tu stanuju stariji ljudi i djeca.

Predsjedavajuća OV stavila je na raspravu Zapisnik sa 8. sjednice OV.

Nije bilo primjedbi i predsjedavajuća OV stavila je na izjašnjavanje Zapisnik sa 8. sjednice OV i nakon izjašnjavanja vijećnika konstatuje da je **jednoglasno sa (15 glasova „ZA“) usvojen Zapisnik sa 8. sjednice OV.**

Predsjedavajuća OV stavila je na raspravu prijedlog dnevnog reda za 9. sjednicu OV koji je usaglašen na Kolegiju Općinskog vijeća.

Predsjedavajuća OV upoznala je prisutne da je na današnjoj sjednici prisutan rukovodilac organizacione jedinice Elektro distribucija Vareš u vezi tačke 9. dnevnog reda i uz dato pojašnjenje predložila je da se tačka 9. „Informacija o stanju napajanja električnom energijom na području općine Vareš“ razmatra kao tačka 1. dnevnog reda.

Nije više bilo učesnika u raspravi i predsjedavajuća OV stavila je na izjašnjavanje prijedlog dnevnog reda 9. sjednice OV sa predloženom izmjenom i nakon izjašnjavanja vijećnika konstatuje da **je jednoglasno (sa 15 glasova „ZA“) usvojen sljedeći**

Dnevni red

1. Informacija o stanju napajanja električnom energijom na području općine Vareš.
Izjestilac: Ermin Musa.
2. Prijedlog Odluke o izmjeni Odluke o davanju u zakup stanova Općine Vareš.
Izjestilac: Ermin Musa.
3. Prijedlog Odluke o načinu i uslovima raspolaganja nekretninama u vlasništvu Općine Vareš. (Kram).
Izjestilac: Ermin Musa.
4. Prijedlog Odluke o povjeravanju na upravljanje i raspolaganje vozila za prikupljanje i odvoz otpada Javnom komunalnom preduzeću d.o.o. Vareš.
Izjestilac: Ermin Musa.
5. Izvještaj o provedenim izborima za članove savjeta mjesnih zajednica na području općine Vareš.
Izjestilac: Čedomir Jelić.

6. Prijedlog pojedinačnih Odluka o potvrđivanju rezultata izbora za članove Savjeta mjesnih zajednica: Brgule, Budoželje, Dabravine, Daštansko, Donja Borovica, Dragovići, Duboštica, Gornja Borovica, Javornik, Kokošćići, Ligatići, Mir, Neprivaj, Očevija, Vijaka, Stupni Do, Striježovo, Strica-Zaruđe, Ravne, Pržići, Pogar i Planinica.
Izjestilac: Čedomir Jelić.
7. Prijedlog Odluke o izmjenama Odluke o izboru stalnih radnih tijela Općinskog vijeća Vareš.
Izjestilac: Sekretar OV.
8. Prijedlog Zaključka o davanju saglasnosti na Statut Javne ustanove Dom zdravlja Vareš, broj: 19-02-1662/21 od 16.09.2021. godine.
Izjestilac: Općinski načelnik.
9. Prijedlog Programa finansiranja komunalnih djelatnosti za 2022. godinu.
Izjestilac: Ermin Musa.
10. Tekuća pitanja.

Ad. 1.

(Informacija o stanju napajanja električnom energijom na području općine Vareš.)

Otvorena je rasprava u kojoj su iznijeli svoje primjedbe, sugestije, mišljenja i pitanja, vijećnici: Igor Hinger (*problem zastoja napajanja električnom energijom -dalekovod Očevija, da li se naselje Ljepovići može preusmjeriti na neku drugu liniju napajanja*), Asmir Čizmo (*da li postoji mogućnost da se dalekovodi spuste po zemlji na dionicama, odnosno kritičnim tačkama gdje stalno dolazi do problema*), Nikola Šimić (*da li Općina ima koristi-naknadu od dalekovoda i NNM na području općine Vareš, potreba blagovremenog čišćenja-prokresa ispod niskonaponskih dalekovoda, problem povratnika koji samoinicijativno obnavljaju svoje kuće koje prije rata imale priključak el. energije i sad ponovo moraju plaćati za isti, štete opreme uslijed nestanka struje u obrtničkim radnjama*), pomoćnik načelnika Ermin Musa dao je odgovor vijećniku Šimiću u vezi naknade od dalekovoda (*Općina Vareš više ne izdaje rješenja za naknadu jer je dio zakona koji tretira tu materiju proglašen neustavnim.*)

Rukovodilac organizacione jedinice Elektro distribucija Vareš gosp. Emir Hrnjić u svom obraćanju upoznao je Vijeće sa planiranim radovima na poboljšanju napajanja električnom energijom, dao je dodatna pojašnjenja i odgovore na postavljena pitanja vijećnika u raspravi.

Zaključena je rasprava i predsjedavajuća konstatuje uz Zaključak da je **Vijeće primilo k znanju**

Informaciju o stanju napajanja električnom energijom na području općine Vareš.

Ad. 2.

(Prijedlog Odluke o izmjeni Odluke o davanju u zakup stanova Općine Vareš.)

Komisija za statutarna pitanja i propise na 7. sjednici održanoj 21.10.2021. godine jednoglasno je donijela sljedeći Zaključak:

- **Komisija nema primjedbi na Prijedlog Odluke o izmjeni Odluke o davanju u zakup stanova Općine Vareš, s tim da se u nazivu Prijedloga Odluke riječ „izmjeni“ zamijeni sa riječju „izmjenama“, te je upućuje Vijeću na razmatranje.**

Predlagач nije imao dodatno pojašnjenje za ovu tačku dnevnog reda.

Otvorena je rasprava u kojoj su iznijeli svoja mišljenja, primjedbe, prijedloge i pitanja vijećnici: Nurdin Begović - predložio je izradu nove Odluke o izmjeni i dopuni Odluke o davanju u zakup stanova Općine Vareš tako što:

- član 5. ostaje isti kao što je Služba predložila s tim da se u stavu 2. dodaje: „Postupak davanja u zakup stanova koji su u vlasništvu Općine Vareš na osnovu Javnog oglasa, uz saradnju Službe nadležne za stambene poslove, provodi Komisija za poslove iz stambene oblasti, a koju imenuje Općinsko vijeće na mandatni period od dvije godine.“
- dodaje se novi stav 3. koji glasi: „Javni oglas o dodjeli stana u zakup raspisuje Općinski načelnik putem Službe za stambene poslove. Javni oglas se objavljuje u jednom od dnevnih listova, općinskoj web stranici i oglasnoj ploči Općine Vareš. Javni oglas sadrži: naziv i adresu organa kojem se prijava podnosi, broj i strukturu stambenih jedinica koje se dodjeljuju u zakup, vrijeme trajanja javnog oglasa, potrebna dokumentacija, vrijeme trajanja zakupa, uslove zakupa, kriterije za bodovanje, način i mjesto objavljivanja rang liste sa uputom o pravu na prigovor, način donošenja i mjesto objavljivanja konačne rang liste. Prijava na Javni oglas sa propisanom dokumentacijom podnosi se Komisiji iz stava 2. ovog člana putem Službe za stambene poslove. Podnosilac prijave je dužan priložiti dokumentaciju koja bude tražena u Javnom oglasu. Prijava se podnosi za jedan ili više stanova koje podnosilac navede u prijavi, s tim da se Ugovor o zakupu zaključuje za samo jedan stan. Nepotpune i neblagovremene prijave odbacit će se sa Zaključkom Komisije na koji se može uložiti prigovor Drugostepenoj upravnoj komisiji.
- dodaje se novi član 2. koji glasi: U Odluci o davanju u zakup stanova Općine Vareš Općinskog vijeća Vareš, broj: 01-58/13 od 28.02.2013. godine dodaje se novi član koji glasi: „Kriteriji za dodjelu stanova u zakup (*prva dva kriterija koja je Služba navela ostaju*) -stambeni status koji kaže da prema stambenom statusu podnosioca zahtjeva utvrđuju se bodovi –podstanar kod pravne ili fizičke osobe 15 bodova, stanovanje u neodgovarajućem stanu /kući u vlasništvu roditelja ili supružnikovih roditelja 10 bodova, stanovanje s roditeljima ili supružnikovim roditeljima 5 bodova, - starosna dob, odnosno mladi, mlada osoba do 30 godina ostvaruje 5 bodova, mlada osoba koja je u bračnoj zajednici 10 bodova, mlada osoba koja je u bračnoj zajednici sa jednim djetetom 15 bodova, mlada osoba koja je u bračnoj zajednici sa dvoje ili više djece 20 bodova, - zdravstveni status , na osnovu opće nesposobnosti za rad podnosioca zahtjeva ili punoljetnog člana porodičnog domaćinstva utvrđeni na osnovu rješenja nadležnog organa podnosiocu zahtjeva pripada 10 bodova, na osnovu mentalnog i tjelesnog oštećenja malodobnog člana porodičnog domaćinstva podnosiocu zahtjeva utvrđenog nalazom ili mišljenjem vještaka podnosiocu zahtjeva pripada 10 bodova, - sudjelovanje u OS R BiH podnosiocu zahtjeva po osnovu učešća u OS R BiH u periodu od 04.05.1992. godine do 02.12.1995. godine pripada 5 bodova, članovima

porodice poginulih pripadnika OS RBiH, ratni vojni invalidi, civilne žrtve rata koje se nalaze u stanju socijalne potrebe pripada 15 bodova.

- Stav 2. Novog člana glasi: „ako dva ili više podnosilaca prijava ostvari jednak broj bodova prednost na rang listi ima onaj podnosilac prijave koji ima najviše bodova prema sljedećim kriterijima: porodici poginulog pripadnika OS, ratnim vojnim invalidima, civilnim žrtvama rata ako se nalaze u stanju socijalne potrebe, zdravstveni status, visina prihoda po članu domaćinstva, starosna dob,“
- Stav 3. Glasi: „Služba za stambene poslove obrađuje prijave, utvrđuje činjenično stanje i dostavlja Komisiji za poslove iz stambene oblasti na razmatranje. Komisija za poslove iz stambene oblasti utvrđuje prijedlog rang liste za svaki pojedinačni stan. Rang lista sadrži redni broj, ime, prezime i adresu podnosioca prijave, broj bodova prema svakom kriteriju, te ukupan broj bodova, datum objavljivanja rang liste i datum i uputu o pravu na prigovor.“

Prijedlog Rang liste objavljuje se na oglasnoj ploči i web stranici Općine Vareš u trajanju od 15 dana. Na prijedlog Rang liste, podnosilac prijave može podnijeti prigovor Drugostepenoj upravnoj komisiji u roku od 15 dana od dana objavljivanja na oglasnoj ploči.

Nakon pravosnažno okončanog postupka po prigovorima, Komisija za poslove iz stambene oblasti utvrđuje konačan prijedlog Rang liste i dostavlja Općinskom vijeću na usvajanje. U slučaju da Općina Vareš nakon provedenog postupka po Javnom oglasu ne uspije dati sve raspoložive stanove u zakup ili naknadno bude raspolagala sa dodatnim slobodnim stanovima za zakup, objavit će novi Javni oglas. (član 6.)

- U članu 2. stav 2. Prijedloga Odluke, iza riječi: „Iznos slobodno ugovorene zakupnine za socijalno ugrožena lica određuje se u mjesečnom iznosu od 0,40 KM/m² „, dodaju se riječi: „, izuzev za podnosiocima koji nemaju nikakvih mjesečnih primanja i koji se oslobađaju obaveze plaćanja zakupnine.“

Emir Islamović (*predložio da ako se predloženi amandmani usvoje da predlagač povuče ovu tačku dnevnog reda, izradi novu odluku i da se ista razmatra na narednoj sjednici OV*), pomoćnik načelnika Ermin Musa (*izjavio je da je Odluka pripremljena na osnovu zaključaka OV i ispred predlagača predložio je da se OV izjasni na današnjoj sjednici o Prijedlogu Odluke u formi koja je Vijeću dostavljena na razmatranje. Vijećnik ima pravo u skladu sa Poslovníkom o radu OV da pripremi prijedlog odluke i dostavi Vijeću*), Nurdin Begović (replika) i Dario Dodik (*podsjetio je da je predloženo da se u odluci navede da Načelnik može dodijeliti stan u zakup osobama u slučaju bolesti, skrenuo pažnju da se u odluci, odnosno u amandmanima vijećnika Begovića koristi termin „boračka populacija“ o istom je dao pojašnjenje*).

Zaključena je rasprava i predsjedavajuća OV uz dato pojašnjenje i na osnovu rasprave predložila i stavila na izjašnjavanje sljedeći:

Zaključak:

U skladu sa članom 119. stav 3. Poslovníka o radu OV, Općinsko vijeće vraća Prijedlog Odluke o izmjeni Odluke o davanju u zakup stanova Općine Vareš ovlaštenom predlagaču sa uputom da predlagač izradi novi Prijedlog Odluke u kome će uzeti u obzir sve iznesene prijedloge i amandmane od svih vijećnika.

Nakon izjašnjavanja vijećnika predsjedavajuća OV konstatuje da **je jednoglasno (sa 15 glasova „ZA“) usvojen predloženi Zaključak.**

Ad.3.

(Prijedlog Odluke o načinu i uslovima raspolaganja nekretninama u vlasništvu Općine Vareš (Kram).)

Komisija za statutarna pitanja i propise na 7. sjednici održanoj 21.10.2021. godine jednoglasno je donijela je sljedeći Zaključak:

- **Komisija nema primjedbi na Prijedlog Odluke o načinu i uslovima raspolaganja nekretninama u vlasništvu Općine Vareš (Kram), te je upućuje Vijeću na razmatranje.**

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnik Emir Islamović (*predložio je uz dato pojašnjenje da se u članu 4. stav 3. iza riječi „pravobranioca“ dodaju riječi „ nakon čega se nekretnina predaje u posjed kupcu.“*) i pomoćnik načelnika Ermin Musa koji je dao dodatno pojašnjenje u vezi diskusije vijećnika).

Zaključena je rasprava i predsjedavajuća OV stavila je na izjašnjavanje Prijedlog Odluke o načinu i uslovima raspolaganja nekretninama u vlasništvu Općine Vareš (Kram) u formi koja je Vijeću dostavljena na razmatranje.

Nakon izjašnjavanja vijećnika predsjedavajuća OV konstatuje da je **jednoglasno (sa 15 glasova „ZA“) usvojena**

Odluka o načinu i uslovima raspolaganja nekretninama u vlasništvu Općine Vareš (Kram).

Ad.4.

(Prijedlog Odluke o povjeravanju na upravljanje i raspolaganje vozila za prikupljanje i odvoz otpada Javnom komunalnom preduzeću d.o.o. Vareš.)

Komisija za statutarna pitanja i propise na 7. sjednici održanoj 21.10.2021. godine jednoglasno je donijela je sljedeći Zaključak:

- **Komisija nema primjedbi na Prijedlog Odluke o povjeravanju na upravljanje i raspolaganje vozila za prikupljanje i odvoz otpada Javnom komunalnom preduzeću d.o.o. Vareš, te je upućuje Vijeću na razmatranje.**

Ispred ovlaštenog predlagača pomoćnik načelnika Ermin Musa uz dato pojašnjenje predložio je dopunu Prijedloga Odluke u članu 1. iza navedene karakteristike „TGA03“ dodaje se karakteristika „TIP 18S“ i u stavu 2. dodaju se riječi „Troškovi do registracije (homologacija, carina i tehnički pregled) 7.687,02 KM. Ukupna vrijednost vozila 19.460,39 KM.“

Otvorena je rasprava u kojoj su iznijeli svoja mišljenja i pitanja vijećnici: Igor Hinger, Dario Dodik, predsjedavajuća OV Mahira Brkić, Općinski načelnik Zdravko Marošević (*dao pojašnjenje i odgovore na postavljena pitanja vijećnika u raspravi*), Nikola Šimić, Sahudina

Beganović i zamjenik predsjedavajuće OV Mirnes Ajanović (*predložio da se Gradu Beču ispred Vijeća uputi zahvalnica na doniranom vozilu*).

Zaključena je rasprava i predsjedavajuća OV stavila je na izjašnjavanje Prijedlog Odluke o povjeravanju na upravljanje i raspolaganje vozila za prikupljanje i odvoz otpada Javnom komunalnom preduzeću d.o.o. Vareš uz dopunu koju je predložio ovlašteni predlagač.

Nakon izjašnjavanja vijećnika predsjedavajuća OV konstatuje da **je jednoglasno (sa 15 glasova „ZA“) usvojena**

***Odluka o povjeravanju na upravljanje i raspolaganje vozila
za prikupljanje i odvoz otpada Javnom komunalnom preduzeću d.o.o. Vareš .***

Ad.5.

*(Izveštaj o provedenim izborima za članove
savjeta mjesnih zajednica na području općine Vareš.)*

Pomoćnik načelnika Čedomir Jelić dao je dodatno pojašnjenje za ovu tačku dnevnog reda i u svom obraćanju skrenuo je pažnju da u tri mjesne zajednice izbori nisu validno provedeni, odnosno uopće nisu provedeni (MZ Vareš, MZ Vareš Majdan i MZ Kadarići). Upoznao je Vijeće sa prijedlozima i mišljenjem Komisije u vezi eventualnog rješenja za ove tri mjesne zajednice (da OV da suglasnost Općinskom načelniku za imenovanje povjerenstva i povjerenika mjesnih zajednica).

Otvorena je rasprava u kojoj su svoja mišljenja, prijedloge i pitanja iznijeli vijećnici: Mahira Brkić (*sugerisala je nadležnoj Službi da uputi odgovor MZ Vareš u vezi prijedloga za izmjenu Statuta*), Sahudina Beganović i Nikola Šimić.

Zaključena je rasprava i predsjedavajuća je predložila i stavila na izjašnjavanje sljedeći

Zaključak:

- **Donosi se Zaključak kojim se daje saglasnost Općinskom načelniku da:**
 - a) **imenuje povjereništvo i povjerenika sa pravima i obavezama savjeta i predsjednika za Mjesnu zajednicu Vareš Majdan prema Zapisniku sa Zbora građana ove mjesne zajednice, broj: 04-01/21 od 12.09. 2021. godine.**
 - b) **imenuje povjereništvo i povjerenika sa pravima i obavezama savjeta i predsjednika za Mjesnu zajednicu Vareš.**
 - c) **imenuje povjereništvo i povjerenika sa pravima i obavezama savjeta i predsjednika za Mjesnu zajednicu Kadarići.**
- **Povjereništvo i povjerenik iz tačke 1. ovog Zaključka obavljat će dužnosti u skladu sa Statutom Općine i u skladu sa Statutom Mjesne zajednice sve do izbora organa Mjesne zajednice.**
- **Ovaj Zaključak stupa na snagu danom donošenja.**

Nakon izjašnjavanja vijećnika predsjedavajuća OV konstatuje da je **jednoglasno (sa 15 glasova „ZA“) usvojen predloženi Zaključak i**

***Izveštaj o provedenim izborima za članove
savjeta mjesnih zajednica na području općine Vareš.***

Ad.6.

(Prijedlog pojedinačnih Odluka o potvrđivanju rezultata izbora za članove Savjeta mjesnih zajednica: Brgule, Budoželje, Dabravine, Daštansko, Donja Borovica, Dragovići, Duboštica, Gornja Borovica, Javornik, Kokošćići, Ligatići, Mir, Neprivaj, Očevija, Vijaka, Stupni Do, Striježovo, Strica-Zaruđe, Ravne, Pržići, Pogar i Planinica).

Komisija za statutarna pitanja i propise na 7. sjednici održanoj 21.10.2021. godine jednoglasno je donijela je sljedeći Zaključak:

Komisija nema primjedbi na Prijedlog Odluke o potvrđivanju rezultata izbora za članove Savjeta mjesnih zajednica: Brgule, Budoželje, Dabravine, Daštansko, Donja Borovica, Dragovići, Duboštica, Gornja Borovica, Javornik, Kokošćići, Ligatići, Mir, Neprivaj, Očevija, Vijaka, Stupni Do, Striježovo, Strica-Zaruđe, Ravne, Pržići, Pogar i Planinica, te je upućuje Vijeću na razmatranje.

Predsjedavajuća OV konstatovala je da će se Vijeće izjašnjavati pojedinačno za svaki Prijedlog Odluke po mjesnim zajednicama.

Pomoćnik načelnika Čedomir Jelić u svom obraćanju podsjetio je prisutne da MZ Donja Borovica i MZ Gornja Borovica već dugi niz godina faktički egzistiraju kao jedna mjesna zajednica i u vezi s tim skrenuo je pažnju da Statut Općine Vareš daje uporište za spajanje dvije mjesne zajednice u jednu na način i po postupku koji vrijedi za osnivanje mjesne zajednice i da nema nikakvih zapreka da se to uradi.

Predsjedavajuća OV stavila je na izjašnjavanje Prijedlog Odluke o potvrđivanju rezultata izbora za članove Savjeta Mjesne zajednice Brgule.

Nakon izjašnjavanja vijećnika predsjedavajuća OV konstatuje da je **jednoglasno (sa 15 glasova „ZA“) usvojena**

***Odluka o potvrđivanju rezultata izbora za
članove Savjeta Mjesne zajednice Brgule.***

Predsjedavajuća OV stavila je na izjašnjavanje Prijedlog Odluke o potvrđivanju rezultata izbora za članove Savjeta Mjesne zajednice Budoželje.

Nakon izjašnjavanja vijećnika predsjedavajuća OV konstatuje da je **jednoglasno (sa 15 glasova „ZA“) usvojena**

***Odluka o potvrđivanju rezultata izbora za
članove Savjeta Mjesne zajednice Budoželje.***

Predsjedavajuća OV stavila je na izjašnjavanje Prijedlog Odluke o potvrđivanju rezultata izbora za članove Savjeta Mjesne zajednice Dabravine.

Nakon izjašnjavanja vijećnika predsjedavajuća OV konstatuje da je **jednoglasno (sa 15 glasova „ZA“) usvojena**

***Odluka o potvrđivanju rezultata izbora za
članove Savjeta Mjesne zajednice Dabravine.***

Predsjedavajuća OV stavila je na izjašnjavanje Prijedlog Odluke o potvrđivanju rezultata izbora za članove Savjeta Mjesne zajednice Daštansko.

Nakon izjašnjavanja vijećnika predsjedavajuća OV konstatuje da je **jednoglasno (sa 15 glasova „ZA“) usvojena**

***Odluka o potvrđivanju rezultata izbora za
članove Savjeta Mjesne zajednice Daštansko.***

Otvorena je rasprava po Prijedlogu Odluke o potvrđivanju rezultata izbora za članove Savjeta Mjesne zajednice Donja Borovica u kojoj su učestvovali vijećnici: Dario Dodik (*uputio pitanje da li po Statutu iste osobe mogu biti imenovanje za članove savjeta u dvije mjesne zajednice, uz dato pojašnjenje predložio da se pristupi objedinjavanju mjesnih zajednica Donja i Gornja Borovica*), predsjedavajuća OV Mahira Brkić (*uz dato pojašnjenje predložila je da se Službi OV dostavi Inicijativa za spajanje mjesnih zajednica Donja i Gornja Borovica*, Općinski načelnik Zdravko Marošević, Nikola Šimić, Šaban Ibrišimović (*uz dato pojašnjenje predložio je da se imenuje povjereništvo za MZ Gornja Borovica*) i sekretar OV Leon Pavlović (*predložio je da Vijeće usvoji Prijedlog Odluke o potvrđivanju rezultata izbora za članove Savjeta Mjesne zajednice Donja Borovica i da se donese Zaključak uz Odluku da se ovlašćuje Savjet MZ Donja Borovica da vrši poslove u ime Savjeta MZ Gornja Borovica do donošenja Odluke o spajanju ove dvije MZ*).

Zaključena je rasprava i predsjedavajuća OV predložila je i stavila na izjašnjavanje sljedeći

Zaključak

- 1. Daje se ovlaštenje Savjetu Mjesne zajednice Donja Borovica da pored svojih obaveza vrši i poslove u ime i za potrebe Mjesne zajednice Gornja Borovica.**
- 2. Obaveze iz tačke 1. ovog Zaključka teku od dana potvrđivanja rezultata izbora za članove Savjeta Mjesne zajednice Donja Borovica, pa do završetka postupka spajanja Mjesnih zajednica Donja i Gornja Borovica u jednu mjesnu zajednicu u skladu sa članom 54. Statuta Općine Vareš.**
- 3. Ovaj Zaključak stupa na snagu danom donošenja.**

Nakon izjašnjavanja vijećnika predsjedavajuća OV konstatuje da je **jednoglasno (sa 14 glasova)** (odsutan vijećnik Malik Rizvanović) **usvojen predloženi Zaključak i**

***Odluka o potvrđivanju rezultata izbora za
članove Savjeta Mjesne zajednice Donja Borovica.***

Predsjedavajuća OV stavila je na izjašnjavanje Prijedlog Odluke o potvrđivanju rezultata izbora za članove Savjeta Mjesne zajednice Dragovići.

Nakon izjašnjavanja vijećnika predsjedavajuća OV konstatuje da je **jednoglasno (sa 14 glasova „ZA“)** (odsutan vijećnik Malik Rizvanović) **usvojena**

Odluka o potvrđivanju rezultata izbora za članove Savjeta Mjesne zajednice Dragovići.

Predsjedavajuća OV stavila je na izjašnjavanje Prijedlog Odluke o potvrđivanju rezultata izbora za članove Savjeta Mjesne zajednice Duboštica.

Nakon izjašnjavanja vijećnika predsjedavajuća OV konstatuje da je **jednoglasno (sa 14 glasova „ZA“)** (odsutan vijećnik Malik Rizvanović) **usvojena**

Odluka o potvrđivanju rezultata izbora za članove Savjeta Mjesne zajednice Duboštica.

Predsjedavajuća OV stavila je na izjašnjavanje Prijedlog Odluke o potvrđivanju rezultata izbora za članove Savjeta Mjesne zajednice Javornik.

Nakon izjašnjavanja vijećnika predsjedavajuća OV konstatuje da je **jednoglasno (sa 14 glasova „ZA“)** (odsutan vijećnik Malik Rizvanović) **usvojena**

Odluka o potvrđivanju rezultata izbora za članove Savjeta Mjesne zajednice Javornik.

Predsjedavajuća OV stavila je na izjašnjavanje Prijedlog Odluke o potvrđivanju rezultata izbora za članove Savjeta Mjesne zajednice Kokošćići.

Nakon izjašnjavanja vijećnika predsjedavajuća OV konstatuje da je **jednoglasno (sa 15 glasova „ZA“)** **usvojena**

Odluka o potvrđivanju rezultata izbora za članove Savjeta Mjesne zajednice Kokošćići.

Predsjedavajuća OV stavila je na izjašnjavanje Prijedlog Odluke o potvrđivanju rezultata izbora za članove Savjeta Mjesne zajednice Ligatići.

Nakon izjašnjavanja vijećnika predsjedavajuća OV konstatuje da je **jednoglasno (sa 15 glasova „ZA“)** **usvojena**

Odluka o potvrđivanju rezultata izbora za članove Savjeta Mjesne zajednice Ligatići.

Predsjedavajuća OV stavila je na izjašnjavanje Prijedlog Odluke o potvrđivanju rezultata izbora za članove Savjeta Mjesne zajednice Mir.

Nakon izjašnjavanja vijećnika predsjedavajuća OV konstatuje da je **jednoglasno (sa 15 glasova „ZA“) usvojena**

Odluka o potvrđivanju rezultata izbora za članove Savjeta Mjesne zajednice Mir.

Predsjedavajuća OV stavila je na izjašnjavanje Prijedlog Odluke o potvrđivanju rezultata izbora za članove Savjeta Mjesne zajednice Neprivaj.

Nakon izjašnjavanja vijećnika predsjedavajuća OV konstatuje da je **jednoglasno (sa 15 glasova „ZA“) usvojena**

Odluka o potvrđivanju rezultata izbora za članove Savjeta Mjesne zajednice Neprivaj.

Predsjedavajuća OV stavila je na izjašnjavanje Prijedlog Odluke o potvrđivanju rezultata izbora za članove Savjeta Mjesne zajednice Očevija.

Nakon izjašnjavanja vijećnika predsjedavajuća OV konstatuje da je **jednoglasno (sa 15 glasova „ZA“) usvojena**

Odluka o potvrđivanju rezultata izbora za članove Savjeta Mjesne zajednice Očevija.

Predsjedavajuća OV stavila je na izjašnjavanje Prijedlog Odluke o potvrđivanju rezultata izbora za članove Savjeta Mjesne zajednice Vijaka.

Nakon izjašnjavanja vijećnika predsjedavajuća OV konstatuje da je **jednoglasno (sa 15 glasova „ZA“) usvojena**

Odluka o potvrđivanju rezultata izbora za članove Savjeta Mjesne zajednice Vijaka.

Predsjedavajuća OV stavila je na izjašnjavanje Prijedlog Odluke o potvrđivanju rezultata izbora za članove Savjeta Mjesne zajednice Stupni Do.

Nakon izjašnjavanja vijećnika predsjedavajuća OV konstatuje da je **jednoglasno (sa 15 glasova „ZA“) usvojena**

Odluka o potvrđivanju rezultata izbora za članove Savjeta Mjesne zajednice Stupni Do.

Predsjedavajuća OV stavila je na izjašnjavanje Prijedlog Odluke o potvrđivanju rezultata izbora za članove Savjeta Mjesne zajednice Striježevo.

Nakon izjašnjavanja vijećnika predsjedavajuća OV konstatuje da je **jednoglasno (sa 15 glasova „ZA“) usvojena**

Odluka o potvrđivanju rezultata izbora za članove Savjeta Mjesne zajednice Striježevo.

Predsjedavajuća OV stavila je na izjašnjavanje Prijedlog Odluke o potvrđivanju rezultata izbora za članove Savjeta Mjesne zajednice Strica-Zaruđe.

Nakon izjašnjavanja vijećnika predsjedavajuća OV konstatuje da je **jednoglasno (sa 15 glasova „ZA“) usvojena**

Odluka o potvrđivanju rezultata izbora za članove Savjeta Mjesne zajednice Strica-Zaruđe.

Predsjedavajuća OV stavila je na izjašnjavanje Prijedlog Odluke o potvrđivanju rezultata izbora za članove Savjeta Mjesne zajednice Ravne.

Nakon izjašnjavanja vijećnika predsjedavajuća OV konstatuje da je **jednoglasno (sa 14 glasova „ZA“) (odsutan vijećnik Salih Memić) usvojena**

Odluka o potvrđivanju rezultata izbora za članove Savjeta Mjesne zajednice Ravne.

Predsjedavajuća OV stavila je na izjašnjavanje Prijedlog Odluke o potvrđivanju rezultata izbora za članove Savjeta Mjesne zajednice Pržići.

Nakon izjašnjavanja vijećnika predsjedavajuća OV konstatuje da je **jednoglasno (sa 14 glasova „ZA“) (odsutan vijećnik Salih Memić) usvojena**

Odluka o potvrđivanju rezultata izbora za članove Savjeta Mjesne zajednice Pržići.

Predsjedavajuća OV stavila je na izjašnjavanje Prijedlog Odluke o potvrđivanju rezultata izbora za članove Savjeta Mjesne zajednice Pogar.

Nakon izjašnjavanja vijećnika predsjedavajuća OV konstatuje da je **jednoglasno (sa 14 glasova „ZA“) (odsutan vijećnik Salih Memić) usvojena**

Odluka o potvrđivanju rezultata izbora za članove Savjeta Mjesne zajednice Pogar.

Predsjedavajuća OV stavila je na izjašnjavanje Prijedlog Odluke o potvrđivanju rezultata izbora za članove Savjeta Mjesne zajednice Planinica.

Nakon izjašnjavanja vijećnika predsjedavajuća OV konstatuje da je **jednoglasno (sa 14 glasova „ZA“) (odsutan vijećnik Salih Memić) usvojena**

Odluka o potvrđivanju rezultata izbora za članove Savjeta Mjesne zajednice Planinica.

Ad.7.

(Prijedlog Odluke o izmjenama Odluke o izboru stalnih radnih tijela Općinskog vijeća Vareš'.)

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog odluke o izmjenama Odluke o izboru stalnih radnih tijela Općinskog vijeća Vareš.

Nakon izjašnjavanja vijećnika predsjedavajuća OV konstatuje da je **jednoglasno (sa 14 glasova „ZA“)** (odsutan vijećnik Salih Memić) **usvojena**

Odluka o izmjenama Odluke o izboru stalnih radnih tijela Općinskog vijeća Vareš.

Ad.8.

(Prijedlog Zaključka o davanju saglasnosti na Statut Javne ustanove Dom zdravlja Vareš, broj. 19-02-1662/21 od 16.09.2021. godine.)

Otvorena je rasprava u kojoj su svoja mišljenja iznijeli vijećnici: predsjedavajuća OV Mahira Brkić, Emir Islamović i sekretar OV Leon Pavlović.

Zatvorena je rasprava i predsjedavajuća OV stavila je na izjašnjavanje Prijedlog Zaključka o davanju saglasnosti na Statut Javne ustanove Dom zdravlja Vareš, broj. 19-02-1662/21 od 16.09.2021. godine.

Nakon izjašnjavanja vijećnika predsjedavajuća OV konstatuje da **je sa 13 glasova „ZA“ i 2 „SUZDRŽANA“ glasa usvojen**

Zaključak o davanju saglasnosti na Statut Javne ustanove Dom zdravlja Vareš, broj. 19-02-1662/21 od 16.09.2021. godine.

Ad.9.

(Prijedlog Programa finansiranja komunalnih djelatnosti za 2022. godinu.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, primjedbe, prijedloge i pitanja iznijeli vijećnici: Igor Hinger (*uz dato pojašnjenje predložio je da lokalni put za Osoje bude u prvom prioritetu kao i ostali gdje ima učenika*), Dario Dodik (*uz dato pojašnjenje predložio da se Program vrati na doradu i da se uradi sa potrebama i u skladu sa postizanjem ravnopravnosti građana, skrenuo pažnju na održavanje malih ulica: Korovinjići, Pruga, Zukići, Novakovići*), Šaban Ibršimović (*uz dato pojašnjenje predložio da se put za Juse i Kolakoviće stavi u drugi prioritet*), Nikola Šimić (*uz dato pojašnjenje predložio da se putevi Sastavci-Gornja Borovica, Luke Dragovići, Mijakovići objedine i budu putevi prvog prioriteta kao što je i put Križ-Osredak*), Amela Brkić (*skrenula pažnju na čišćenje slivnika*),

Malik Rizvanović (*uz dato pojašnjenje sugeriše da se adekvatnije održavanju putevi u naseljenim područjima*), Dario Dodik (*predložio da se izbace imena ulica i da se koristi termin „sve ulice u gradu“ i da predviđeni iznos finansiranja ostane ali da se rasporedi pravilno na sve ulice*), pomoćnik načelnika Ermin Musa (*uz dato pojašnjenje predložio je da se za sve puteve koristi termin „putevi“, odnosno da ne budu prioriteti i da se tako navedu u Programu kao i ulice*) i Emir Islamović (*sugerisao da ako se usvoji Program da se ispoštuje i ljetno i zimsko održavanje*).

Zaključena je rasprava i predsjedavajuća OV predložila je i stavila na izjašnjavanje sljedeći

Zaključak:

Usvaja se Program finansiranja komunalnih djelatnosti za 2022. godinu, na način da se sve primjedbe, sugestije, prijedlozi koji su danas izneseni od strane OV budu sastavni dio Programa finansiranja komunalnih djelatnosti za 2022. godinu, tako što će se novi Program finansiranja komunalnih djelatnosti za 2022. godinu napraviti na osnovu tonskog zapisa današnje sjednice.

Nakon izjašnjavanja vijećnika predsjedavajuća OV konstatuje da je **jednoglasno (sa 15 glasova „ZA“)** usvojen predloženi Zaključak i

Program finansiranja komunalnih djelatnosti za 2022. godinu.

Ad.10.

(Tekuća pitanja.)

Predsjedavajuća OV upoznala je prisutne sa pristiglom poštom:

1. Zahtjev za asfaltiranje na dionici puta Luke-Podkadarići, broj. 39/2021 od 28.09.2021. godine dostavljen od MZ Kadarići i Odgovor na isti Zahtjev Službe za prostorno uređenje broj. 02-1717/21 od 25.10.2021. godine koji je dostavljen Mjesnoj zajednici Kadarići.
2. Dopis za dostavu prijedloga za Program rada Skupštine Ze-do kantona za 2022. godinu, broj: 01-30-13548/2021 od 08.10.2021. godine. Predsjedavajuća je sugerisala svim vijećnicima da ako imaju određene ideje i prijedloge da iste dostave Stručnoj službi OV do 05.11.2021. godine radi daljnje dostave prema nadležnim.
3. Zaključak sa 35. sjednice Skupštine Ze-do kantona broj. 09-31-9693-1-1/21 od 25.10.2021. godine (Akcioni plan 2021-2023 implementacije Analize stanja socijalne zaštite u Ze-do kantonu sa posebnim osvrtom na uticaj pandemije koronavirusa na sistem socijalne zaštite). Predsjedavajuća OV predložila je i stavila na izjašnjavanje sljedeći

Zaključak

Općinsko vijeće nalaže da Služba za opću upravu, društvene djelatnosti i BiZ za 10. sjednicu OV, pripremi Informaciju vezanu za Akcioni plan 2021–2023. godinu o implementaciji analize stanja socijalne zaštite u ZDK sa osvrtom na utjecaj pandemije na sistem socijalne zaštite za područje općine Vareš.

Nakon izjašnjavanja vijećnika predsjedavajuća OV konstatuje da je **jednoglasno (sa 15 glasova „ZA“) usvojen predloženi Zaključak.**

4. Vijećnik Nurdin Begović izjavio je da napušta stanku SBB i da će od sada djelovati kao samostalni vijećnik i da je u skladu sa Poslovnikom o radu OV formiran novi Klub u sastavu: Nurdin Begović – predsjednik Kluba i Mahira Brkić – zamjenica.
5. Vijećnik Emir Islamović postavio je pitanje uz dato pojašnjenje u vezi usmene ostavke na mjesto zamjenika predsjedavajućeg Mirnesa Ajanovića.

Sekretar OV upoznao je Vijeće da Stručna služba OV proceduralno nije dobila pisano očitovanje zamjenika predsjedavajućeg da podnosi ostavku na funkciju zamjenika predsjedavajućeg.

Sastavni dio ovog Zapisnika je audio zapis sjednice.

Sjednica je završena u 18,10 sati.

SEKRETAR

Leon Pavlović

ZAPISNIČAR

Azra Pijadžer

***PREDSJEDAVAJUĆA
OPĆINSKOG VIJEĆA***

Mahira Brkić